

"Қаныш Сәтбаев атындағы орта мектеп-лицей" КММ

«Қамқоршылық» кеңесі отырысының

ХАТТАМАСЫ № 2

Мерзімі: 08.02.2023 жыл.

Қатысқаны: «Қамқоршылық» кеңесінің мүшелері, мектеп әкімшілігі, ұстаздар, ата-аналар.

КҮН ТӘРТІБІНДЕ:

1. Жан басына шаққандағы қаражаттың есебі

(мектеп -лицей директоры А. Уразалина)

2. "Жылы жүрек-жомарт қол" қайырымдылық іс-шарасы

(педагог -ұйымдастырушы А.Исаева)

3.Әлеуметтік педагогтің сараптамасы бойынша анықталған әлеуметтік жағдайы төмен отбасы балаларын тегін ыстық тамақпен қамтамасыз ету шарасы

(әлеуметтік педагог Шәкрет Д.)

Тыңдалды:

Қаныш Сәтбаев атындағы орта мектеп- лицей директоры А. Уразалина: Білім беру ұйымдарының жан басына шаққандағы нормативтік қаржыландыру қағидаларын ҚР БҒМ 27.11.2017 жылғы №596 бұйрығымен бекітілді.

Қағидаға сәйкес білім беру ұйымын қаржыландыру жергілікті атқарушы органның белгілеген тәртібі негізінде жүзеге асырылады.

2022 жылы Қаныш Сәтбаев атындағы орта мектеп- лицейі жан басына шаққандағы қаржыландыру қағидасына сәйкес қаржыландырылды.

Мақсаты : педагогикалық әлеуеттің рөлін күшейтудің есебінен білім сапасын арттыру және мектептің материалдық-техникалық базасын жетілдіру.

Жан басына шаққандағы қаржыландыру аясында ақша неге жұмсалады? Осы сұрақ төңірегінде шығын түрлеріне тоқталамын.

-еңбекақы төлеу

-білім беру процесіне байланысты шығындар (баспа және экрандық-дыбыстық оқу -құралдарын, оқытудың техникалық құралдарын, демонстрациялық оқу құралдарын, мектеп жиһазын, спорттық жабдықтар, бақылау өлшеу құралдары, музыкалық аспаптар, көркемдік материалдар, оқушылар планшеттері алынды)

Педагог-ұйымдастырушы А. Исаева: «Қайырымдылық жасасаң, қайырымын өзің көресің» деген екен дана халқымыз. Адам өміріндегі ең игі істердің бірі – мұқтаж жандарға қамқорлық жасау. Адамдар бір-біріне қайырымдылық, мейірімділік таныту арқылы жақсылық жасайды. Осыған орай, Қ.Сәтбаев атындағы орта мектеп-лицейімізде “Мектеп парламенті” өзін-өзі басқару ұйымының ұйымдастыруымен, ата-аналардың қатысуымен 2022 жылдың 24-25 қараша күндері 1-11 кластар арасында “Жылы жүрек-жомарт қол” атты қайырымдылық жәрмеңкесі өткізілді. 30- қараша күні "Мектеп парламенті" өзін-өзі басқару ұйымының өкілдері №1 әлеуметтік қызмет көрсету орталығында болды. Орталық қызметкерлерінің сұрауымен жөргектер және ойыншықтар табысталды.

1 желтоқсан күні "Мектеп парламенті" өзін-өзі басқару ұйымының өкілдері «Үміт» сәбилер үйінде болды. Орталық қызметкерлерінің сұрауымен балаларға пижамалар мен қысқы етік табысталды.

2 желтоқсан күні оқушылар «Аяла» өмірлік қиын жағдайдағы балаларды қолдау орталығына барды. Орталық қызметкерлерінің сұрауымен қыз балаларға арналған пижамалар мен ер балаларға арналған триколар табысталды.

2желтоқсан күні қайырымдылық жәрмеңкесінен түскен қаражаттан мектебіміздің 5 класс оқушысы Ысқақ Айжанның еміне 20 000 (жиырма мың) теңге анасының шотына қаражат аударылды.

"Жылы жүрек- жомарт қол" қайырымдылық жәрмеңкесінен түскен қаражаттан мектебіміздегі ата-ананың қамқорлығынсыз қалған оқушылардың шотына көмекке қаржы аударылды.

3 желтоқсан күні «Жас Ұлан» ұйымының мектеп кеңесінің оқушылары «Ана үйіне» барды. Орталық қызметкерлерінің сұрауымен «Nutrilak» құрғақ сүт қоспасы және жаялықтар табысталды.

Әлеуметтік- педагог Д. Шәкрет: Оқушылардың тамақтануын ұйымдастыру бойынша басты міндеттері:

- әлеуметтік қорғансыз отбасылар санатына жатқызылатын отбасылардан шыққан оқушыларды тегін тамақтанумен қамту;
- ата-аналар (заңды өкілдер) қаражаттарының көмегімен оқушыларды рационалды тамақтандыруды ұйымдастыруға қолайлы жағдай жасау;
- білім беру мекемесінің асхана бөлмелерінің материалдық базасын нығайту және жаңарту;
- тамақтанудың санитарлық-гигиеналық қауіпсіздігін қамтамасыз ету;
- ата-аналар (заңды өкілдер) мен оқушылардың арасында ыстық тамақтанудың қажеттілігі туралы түсіндірме жұмыстарын жүйелі түрде жүргізу.

Оқу жылының басында оқушылардың ыстық тамақпен қамтылуын ұйымдастыру туралы бұйрық шығарылып , және тегін ыстық тамақ алуға құқығы бар оқушылардың тізімдік құрамы бекітілді.

2022 жылдың қыркүйек айынан бастап ААҚҚ және жетім,аз қамтылған, күн көріс деңгейі төмен отбасынан шыққан балалар мектепте 1-11 кластар бойынша 85 бала, Қазақстан Республикасы Үкіметінің 2020 жылғы 24 сәуірдегі №158 бұйрығына **«Жалпы білім беретін мектептердегі білім алушылар мен тәрбиеленушілердің жекелеген санаттарына тегін тамақтандыруды ұсыну» мемлекеттік көрсетілген қызмет стандарты бойынша 85 баланың өтініші қабылданып** тегін тамақпен қамтамасыз етілді.Оның ішінде 30 АӘК оқушы, 3 ААҚҚ оқушы, 52 күн көріс деңгейі төмен оқушы.

Барлығы	АӘК	Жетім	Күн көріс деңгейі төмен
85	30	3	52

Мектеп асханасы 8.00-18.00-ге дейін жұмыс жасайды,асхана 150 орындық. Қалалық білім бөлімінің 5 күндік ас мәзірі санитарлық талапқа сай жасалып бекітілген.Осы мәзірді басшылыққа ала отырып күнделікті ас мәзірі жасалынып бекітіліп отырады. Асхана ыссы су,салқын сумен қамтамасыз етілген.Оқушылардың арнайы қол жуатын бөлмесі жабдықталған .Оқушылар 2 сабақтан кейін үзілісте тамақ ішеді.Ас мәзірінде ет тағамдары,көкөніс, жеміс-жидек,сүт тағамдары енгізілген.

- **1-4 кластар арасында 38** оқушы ыстық тамақпен тегін тамақтанады.
- **5-11 кластар арасында 47** оқушы ыстық тамақпен тегін тамақтанады.

Күнделікті тамақтың сапасы мен берілу мөлшері (норма) мектептік құрылған бақылау топтары мен мектеп медбикесі тарапынан бақылауға алынған. Сонымен қатар, тамақтың сапасын анықтап отыру мақсатында бракераждық комиссия құрамы құрылған.Комиссия құрамындағылар айына екі рет асхана тамағының сапасын тексереді.Айына бір рет тамақтану мен тамақ пісіру орнына тазалық жасалынып, дезинфекцияланып отыру көзделіп, іске асуда.Мектеп асханасында ұсынылатын тағамдар сапасы нормативке сай,ыстық тағамдар түрі күнделікті өзгеріп отырылады.Ыстық тамақтың бағасы 507 теңгені құрайды. Сонымен бірге балалардың

денсаулығына зиян келетін тағамдар майонез қосылған пицца тағамдарын сату қатаң түрде тиым салынды. Тамақтардың сапалы әрі дәмді дайындалуы күн сайын бақыланып тұрады. Шағым және ұсыныс кітаптары толтырылып отырады. Мектеп оқушыларын сумен қамтамасыз ету қарастырылған. Оқушыларға мектеп асханасынан қайнатылған сумен тұтынылады. Дұрыс тамақтанып, айтылған ережелерді орындай білген адамдардың ғана денсаулығы берік бола алады. Сондықтан да дұрыс тамақтану – әр адамның өз қолында демекпіз.


Сөйлеушілер: "Қамқоршылық кеңес" мүшесі Ж. Табылғанов: бірінші мәселе бойынша барлығымыз тыңдап өттік. Былтырғы оқу жылында да мектеп басшысының есебін тыңдаған болатынмын. Барлық қаражат туралы толық мәлімет беріліп отыр. Оның барлығы мектептегі оқушылар үшін жайлы орта қалыптастыруда жұмсалынып жатырғанына көзіміз жетті.

"Қамқоршылық кеңес" мүшесі Ахажанова С: Мен бракераждық комиссия құрамындамын. Ыстық тамақпен қамтылатын оқушылардың күнделікті ас мәзірі мен оның талапқа сай оқушыға берілуін үнемі қадағалап отырамыз. Мектеп медбикесі мен әлеуметтік педагогпен үнемі тығыз байланыстамыз. Сонымен қатар кез-келген тұтынушы жазуға болатын ұсыныс дәптері де бар.

Шешім:

1. Жан басына шаққандағы қаражат есебі "қанағаттанарлық" деп танылсын.
2. Қайырымдылық шаралары қажеттілікті ескере отырып, жүргізілсін.
3. Тегін ыстық тамаққа алынған оқушылардың тамақ сапасы үнемі бақылауға алынсын.

«Қамқоршылық» кеңесінің төрағасы:



Т. Табылғанов

Хатшы:



Ә.Әбілдаева